

مسرحية المحكمة

عرضت فى امارس ٢٠١٤ على مسرح
حزب الكرامة- وقام بالتمثيل فريق الطلائع
بالحزب- إخراج/علاء الدين عبدالحى
وإدارة التنفيذ السيدة/ ولاء حبيب.

قبل فتح العرض تعزف الموسيقى بصوت خفيض وثلاثة أصوات
تنشد هذه الابيات من الكواليس:

يا بلدى يالى هواكى شافى طميك ونيلك أساس التعافى

و خيرك يكفى وشعبك يوفى حنان المعانى، شجن يدفى

عشقك دوا قتل العوا شهد موزون ومتصفى

مكانك هنا، وهنا وهنا (يشير إلى القلب والعقل والعينين)

مرسومة على جبينى وعلى كفى.

ملاحظات على المسرحية (المحاكمة) الإخراج والمخرج

أولا- الشخصيات:

المريض: رجل كبير فى حدود الأربعين وما بعدها وهذا لا يخل

بأنها مسرحية للأطفال حيث إن الكبار يعلمون الصغار وهم

مدرسيهم فى المدارس وإعطاء صورة للأطفال إذا أهمل جسده
فهذه الحالة توصله إلى حالة المريض فى الكبر.

المرضة: يستحسن ان تكون فى سن الثانوية أو الثالثة إعدادي.
الأسنان: طفل فى الابتدائية يمكن أن يقول الحوار الدارج بينه
وبين المريض وباقى أجزاء الجسم.

البلعوم: ممكن أن تكون فتاة/خاصة أن دورها لطيف وتقوم
بتقديم باقى اجزاء الجسم وهى شخصية مرحة.

المرئى: شاب رقيق حسن الصوت ، هادئ وإلى حد ما خجول.
المعدة: شاب رياضى ويظهر ذلك عليه وعلى تصرفاته الجامدة
وصوتة القوي.

الأمعاء الدقيقة: رقيقة ولد أو بنت.

الأمعاء الغليظة: غليظة ولد أو بنت

العقل القاضى: هادئ ويتصرف كأنه ملك أو حاكم ويلبس بدلة
أو ملابس شيك يأتهم الآخرون بأمره ويلتزمون.

ثانيا - المسرح والمسرحية :

هذه المسرحية ليست بها ديكورات كثيرة، مجرد غرفة مريض
وما تحويه من ستارة فاصلة بين السريرالذى يبان طرفه وينام عليه
المريض وكام كرسى ومكان تعليق المحاليل بالخراطيم التى توحى
بأنه يتم إعطائه الدواء

عمق المسرح أو المسرح الصغير ليس مهم هنا لان باب الدخول والخروج من الكواليس من باب واحد على الجانب كما فى غرف المرضى.

ثالثا- أعمار الممثلين:

المسرحية يمكن ان يشترك فيها الاطفال من أعمار مختلفة الصغير والكبير قليلا لان أعضاء الجسم صغيرة وكبيرة نسبيا، كما أن الأولاد يدرسون هذه التفاصيل فى كتبهم المدرسية.

رابعا- ملابس الممثلين:

هذه المسرحية ليس فيها ملابس خاصة إلا لبس المرضة، أما المريض فيمكن أن يلبس ما يلبسه المرضى، وأعضاء الجسم تيشرت أبيض مرسوم عليه العضو ويمكن تثبيت العضو المراد بصورة أو لاصق أو تدبيس أو خياطة.

خامسا- الأدوار الرئيسية والثانوية

(من حيث مساحة الدور والكلام)

الدور الرئيسي: المريض- المرضة- القاضى العقل- المرئى- البلعوم.

الأدوار الثانوية: الأسنان- المعدة - الأمعاء- الغدد.

تفتح الستارة على مريض / أو (مريضة) يتأوه.

سرير ينام عليه ومائدة بيضاء إلى الجانب من المسرح تجلس عليه المريضة وإلى جواره المحاليل الطبية مركبة فى ذراعة.

المريضة: فى إيه تانى ما أنا مركبالك المحاليل، كل حاجة زى الفل.

المريض : مش عارف أنا..الألم هيموتني، شفولى مسكن.

المريضة: أنا مديالك منوم، جزعتين زيادة على اللي قاله الدكتور. إيه ما فيش فايده فيك، ، دماغك إيه؟ مصفحة؟

المريض : الله يكرميك بلاش كلام فى السياسة، بتتعبنى أكثر.

المريضة: هى فين السياسة ديه، أنت بتهلوس أهة.

المريض : مش بتقولى مصفحات ودماعي. و هى السياسة إيه غير مصفحات وشرطة ودماغ، المواطن

المريضة: لا دا أنت هتفوق عليا، الأحسن أمشي، لو عزت حاجة أضرب الجرس؟؟.(تنصرف بسرعة)

المريض : أنتى رحتى فين، أنا لسه تعبان... تعبان... (يشكل فى الكلمة) ت...ع...ب...ا...ن...ن.(يضرب الجرس مرتين).

(يدخل أحد ما يلبس تى شرت عليه صورة فك الأسنان)

المريض : إية ده، هى فين المريضة، أنا مش عايز رجاله، أنا عايز المريضة .

الأسنان : متخفشى أنا سنانك ، لا ممرض ولا ممرضة.

المريض : سنانى يعنى إيه ؟.

الأسنان : سنانك اللى جوه بقك، أهة مش عندك سن مخروم (يشير إلى أحد الضروس ويضع أصبعه عليه) حاسس بأيه يا مريض؟.

المريض : ياه... ده بجد... المجرمة ديه حطلى إيه فى المحاليل، أنا شايف أسنانى قدامي، أمال أنا باتكلم بإيه؟.

الأسنان : أنت بتتكلم بأحبالك الصوتية، بلسانك، بفتح فمك مش بأسنانك، أنت بتاكل بأسنانك، وبتطحن الأكل بأضراسك .

المريض : بس. بس هو أنا ناقصك أنا كل حاجة بتوجعني، أمال أنا هنا ليه ؟.

الأسنان : ما هو ده بالضبط اللى جانبى ليك، ، طول ما أنا فى بقك أنت مش معبرنى خالص، بزمتك مش شامم ريحة بقك ، مش شايف السواد والحفر بين الأسنان (يشير إلى التى شرت).

المريض : أنا أكيد بحلم... فين الجرس (يضرب الجرس).

(يدخل شخص يلبس تى شرت عليه البلعوم)

البلعوم : أنا البلعوم الشهير بالزور، سلامات يا مريض، أنا

بلعومك يا زواوي، عرفت من الأخوة الأفاضل، البق واللوزتين وغدد اللسان أنك عيان، قلت أجي أشقر عليك وبصراحة يا راجل الدكتور قالي حالتك تصعب على الكافر.

المريض : أنا بهلوس بجد، إزاي بلعومي يبقى قصادي كده عادي ويكلمني كمان.

البلعوم : أنت مضايق لية يا مريض؟..أمال أنت اسمك مريض لية؟.لان كل أعضائك بتشتغل لوحدها ومن غير تنسيق خالص مع بعضها وبربع الكفاءة ، أنت عيان يا مريض عيان خالص.

المريض : وليكن بس ما بتتكلمشي مع جسمها كده عيني عينك دا ضد المنطق والأصول والقانون.

الأسنان : هو إيه ده اللي ضد المنطق، هو أنت أتعاملت معنا بأى منطق ومن أمتي، أنا بقطع وبمضغ واطحن الأكل علشانك، يقعد اللسان يلف بيها زى الغسالة الكهربائية علشان تسهل البلع وتبلع على مهلك، واحفز الغدد اللعابية (ينطقها لعبية) علشان تفرز (تدخل عدد من الصغار تلبس تي شرت مكتوب عليه الغدد وتجرى يمين وشمال) اتفضل يا سيدي أدى الغدد هربت كمان، عمرك غسلت سنائك بأى حاجة مسحوق أو سجنل توو.. لا...

عمرک نصفت أو ریحت من المضغ.. لبان.. لب.. شیشه...
بطیخ... شای.. و کلها بتلرزق بین جدران اسنانک واللثة،
حد یعالم ینام وهو بیدخن؟.

البلعوم : بصراحة یا مریض أنا ما لیش شکاوی معینة منك، إنما
وظیفتی مرتبطة بوظایف الأعضاء الثانية، ، یعنی أنا
بوصل الأكل واقفل وصلة الرئة بلسان المزمار علشان
أوصل للمریء الأكل بسلام، أه أنا سایب الأخ المریء بره
واقف یحضرنا بقى فى المصیبة ديه.

المریض : خلیة یجى ما هى کملت ، بس کده، أنا کرشى کله بقى
قدامى یجى مترین ، هلمه أراي؟.

البلعوم : یا مرئى باشا، تعالی المریض بیه عایز یسمع منك؟.
المریء : (بصوت ناعم) أفندم.

المریض : دة إیه الرقة دي کلها، أشحال ما أنا بصرخ من الألم منك
طول اللیل.

المریء : مش ذنبى إنك مش عارف موقعى فین، أنا زى البلعوم أنبوبة
بنقل الأكل وخلص ساقع وسخن بعدي، حامض وحلو کلة
ماشى بس إذا أنت بتشتكى أنا کمان بشتكى، علشان ما
ینفعشى نشتغل وفى حد طالع عینیه فى خدمة ساعدتك بلا
حماية أو رعاية ویوم ما یقع تجیب اللوم علینا.

المريض : هو أنت بتتكلم على حد تانى لسه بيشتكى من إهمالي؟..
ليه (بخضه) هو أنا شرك للدرجة دي؟.

المرئى : يا سيد مريض كل أعضائك الآن أصبحت فى ناحية
لوحدها.

(المريض ينظر إلى أسفله ويحرك رجليه يمين وشمال وهم
يهتزون معه لحركته)

المريض : لا يا راجل أو يا مرئى أنا لسه برضه بتحكم فيهم، طب إية
قولك أنا فى المستشفى دي بقالى يجى أسبوع بعالج فى
كل الحاجات دي؟.

الأسنان : بس ما اشتغلتش فيا أنا لحد دلوقتى أنا عايز عمرة
كاملة وتركيب وإزالة جير وتسوس وسد خروم وطربوش
وسنان برسلان كمان.

المريض : يا حبيبى وسيراميك ودهان كمان...هو أنا أقدر أستغنى
عنك .. بس بعد ما الوجع يروح.

البلعوم : طيب مادام أنت عايز تستريح أوى كده ومش مقتنع إن
كلنا مضرورين من تصرفاتك أجيبلك (بيت الداء).

المريض : أه هو لسه فيه حد مستنى بره كمان، لا متقلش أنا عارفه،
المعدة هانم، أو السيد المعدة.. ما تفرقشى .. خش خش.

المعدة : (من الداخل) أنا مش معتبها إلا ومعايا القاضى الدماغ

رجلة قبل رجلي، علشان ما اصور لوكوش قتيل النهارده.

المريض : (يكش ويجرى يركب السرير) خليه يخش (يكلم المرئ)
هو فيه خطورة إن القاضي يجى معاه.

المرئ : طبعا يا حبيبي ، ممكن يحكم عليك.

المريض : (بأستهتار) بأية؟.

المرئ : بالموت يا مريض، بالموت.

المريض : (يذهل) للدرجة دي؟.

(المعدة يدخل ومعه العقل القاضي)

القاضي: أنا قلت مش داخل إلا بموافقة المتهم والمجنى عليهم،
أحكامى بتننفذ من غير استئناف.

المريض : لا...أنا المجنى عليه، وهم المتهمين، فيه سوء تفاهم يا
سعادة الدماغ..أنا اللي مرمى على السرير، داير على
الدكاترة والحكمة والمحاليل ما بتفرقنيش لحظة واحدة،
الأدوية هاريا جتتي...أل...

الأعضاء يمسكو بعض كما يفعل الكورس ويغنون بيقهم لحن:
كمنجات تيرارارا تراررالى ؟

القاضي: كل دا مفهوم...و معروف أنا مش ممكن أزيك أو أسوء
حالتك زيادة...أنا خايف إن أعضائك يتوقفوا عن العمل

وساعاتها هتعيش فى الغيبوبة وأكيد هتموت...شارون
مات بعد تمن سنين غيبوبة وكانت صحته العامة أحسن
منك ٣٠٠ مرة..

المريض : أه..يعنى أنت مش حتحكم..أنت فاعل خير.. طمنتني..

المعدة : لا حيحكم ويحكم كمان لي، هو أنا اللي شفته شوية...

القاضي: طول بالك يا معدة لما أخذ مجلسى الأول (يذهب فيجلس
على الطاولة) فتحت الجلسة، اللي هيدى شهادة
للمريض يجى هنا واللى هيدى شهادة لأعضاء المريضة
يجى هنا (الكل يذهب إلى صف الاعضاء المريضة)

المريض : (مخاطبا الأسنان) هو أنا مش قلت لك إنى هعمك طقم
وانضفك.

الأسنان : وماله ده بالشهادة، هترشيني، أُمال لو عشت هتمضغ
إزاي وبعدين أحنا بنتكلم على الضرر السابق.

المريض : طب وانتا يا بالعموم وأنت يا مرئى؟. (ينظرون للناحية
الأخري)

القاضي : و لكى تكتمل القضية نادوا على باقى الشهود.

(تدخل المريضة)

المريضة: الأمعاء الدقيقة ، الأمعاء الغليظة.....ال.....

القاضي: كفاية... كفاية كدة.

المريض : أيوا... هلوا... هلوا.. أنا شامم رحيتكم من الأول.

القاضي: يا مريض أنت متهم، أتكلم بأدب مع الشهود.

الأمعاء الدقيقة: سيدي القاضي أنا بقول أننا نسمع المعدة الأول

علشان شكاويها بتصب فى بلاوى وبلاعات شكاوي.

القاضي : طبعا طبعا المعدة جاهز للكلام.

المعدة : (بصوت فخيم) نعم سيدي القاضي الدماغ الطبيب،

المهيب الركن...؟

القاضي : بس بس ما توديناش فى داهية الكلام ده ما بيتهضمشى

هنا قصر ومعاك الكلام ومتهبلشي.

المعدة : يا سيادة القاضي أنا أقصد أنى أبين ليكم أن تعب المعدة

بيسمع فى كل شى فى جسم الإنسان، حد يصدق إن

عقل زيك يتشل من الألم وما يفكرشى رغم أن ما فهوش

اى مرض؟. أنا بشتغل معاة ١٨ / ٢٠ ساعة فى اليوم من

أصل ٦ أو سبع ساعات زى الكتالوج الريانى ما بيقول دا

الرسول قال ما ملئ ابن آدم وعاء أشر من بطنه وأنا فى

شر يجى ٣٠ سنة وزيادة عمرة الان يتجاوز الأربعين

والغريب إنه مش دريان أشتكيه لمن (تدمع من الألم)

حموضة ودهون ووجبات ثقيلة فى نص الليل تدخين

معسل وسجاير وقهوة وبس وحاجات تانية كثير ما
اعرفشى اسمها.

المريض : اعترض.المعدة بتلمح لمنوعات وده مش ثابت.

القاضي: اعترض مقبول مثبتشى من التحليل شىء من هذا.

المعدة : لا يا سيادة القاضي ، المنوم اللى الممرضة ادتهوله ما
عملشى مفعوله بسبب ده.

المريض : هعترض. المنوم مشتغلشى من الألم.

القاضي : بصرف النظر يا معدة طلباتك فى واحد إثنين.

المعدة : أنا ما ينفعشى أعيش معاه خلاص كبر وقدراته قلت .

المريض : أنا لسه بمب وحديد وعندى ثلاث عيال ومستعد أجيب
تاني.

المعدة : أول شىء يفهم إنه عجز ويحافظ على الصحة اللى باقية
عنده.

القاضي : وبخصوص الأكل؟.

المعدة : يريح اتناشر ساعة على الأقل كل يوم.

المريض : ليه... صايم الدهر؟

المريض : ويأخذ دواه فى معاده ويبعد عن الحاجات الحريفة
والدخان وميكترشى القهوة.

البلعوم : بس يا مرئى، أنت كده مش هتخليه يكره الاصلاحات اللى عايزينه يعملها . بالهداوة عليه؟ .

المرئى : يا عم بلعوم. يا عم معدة...أنت مش شايف حالته إزاي وبعدين أنا اللى الشطة والطرشى بيبلوا هدموى الأول.

المعدة : على قولك دا ياما دلِق سَجق ملهلب وكبدة أسكندرانى ومن كتر الحموضة رجعتهم ولا البيى يا جدعان.

المرئى : وصلولى يا حيببى وهى طالعة زى النافورة.

البلعوم : وطرشتهم أنا فى بقه. (يكمل الأسنان الجملة)

الأسنان: محشتمشى سيبتة يطلعهم على الطرابيزة اللى قصاده.

المريض : إيه فرحانين فيا .. متحوش يا عم القاضي.

القاضي: دا استجواب يا مريض كل واحد يقول اللى عنده .

المريض : طب وبعدين بقي..ما أنا عارف أن حالتى زى الزفت ;

القاضي: أحكم أنا بقي..... بعد انتهاء المرافعات.

الأسنان: إذا كنتم هتسبوه يكمل أنا بقى عايز إصلاح لكل الأسنان

وبسرعة وبجودة وبشهادة أيزو معتمدة يا بيه أنا الوجهة

والابتسامة والضحكة اللى بتبان فيها السنان؟.

الأمعاء : أنا بقول كفاية خدمة خمسة وأربعين سنة ما عدتش

مستحمل الانتفاخ واللعبكة .

البلعوم : أكيد ليه مبررات، نسمع منه مش جايز نوصل لحل وسط،

حلوا يا حلوا.

المريض : يا سيادة العقل القاضى والطبيب المعالج، كل شىء فى الدنيا لية سبب وأنا بتهم المرئ إنه السبب فى حالتى الوحشة ، الوحلة دي ؟.

القاضي: بالعقل كدة المرئ عبارة عن أنبوبة بتوصل للمعدة ، حشرت أى حاجة فى بلك بتوصلها .

المريض : ما هو بالعقل برضة العيب مش فى الأكل. العيب فى المرئ أنا بتهمة إنه غير أمين فى التوصيل، العيب مش من عندى يا جماعة.

القاضي: إيه قولك يا مرئ؟.

المرئ : مرئ مرئ مرئ والله برئ، لاف ورق القضية فى سرى وأنا الضحية تهمة فى حكم الغيبة ، فيه بلعوم قبليا ماسك الحتة ديا(يمسك رقبتة من تحت الذقن كما يفعل الناس عادة وهم يقصدون ان هناك من يخنقهم بتصرفاتة أو كلامة) واى حمار حساوى يفهمها يا عبقرية، أنا فية قبليا بوابة عليها مسئولية، فاتحة الهوا والصوت مش بسر للاكل والمية، لسانين وحنجرة وبلعوم فى الخلفية، قد منى قصبة هوائية...يا مريض يا اللى مش لامم أصل وفصل القضية العيب أصله إسرافك وعمالك المؤذية، ولو انت بس فاهم مكنتش جيت عليا .

الأسنان : عادى بقى يا مرئى، مريضنا غاوى فهلوية عمره ما راح
لدكتور إلا المرة دي...عشان مشاكله عصرية عاجلة ومش
مستنيه، اسمع منه وفوت، الكذب مش خطية.. وبلادنا
ديموقراطية وحاطة لعلاجه ميزانية، وعشان يعيش
ونعيش نتفاهم بعصرية، حبة عفوية على شفافية على
تقلية بالملوخية، تخلية ميه فى الميه؟.

المريض : يا اولاد القرعة، انتوا هتقسموا عليا؟.

القاضي: بس منك لة، هو مفيش إحترام بتتشنقوا وتشكلوا على
بعض فى أغنية ، نظام، المحكمة مش بتلعب معاكوا
والتحذير لكل استأصال العضوا الفاسد سبب المشكلة
حتى لو ضحيت بالجميع، أو المريض ذاته..

المريض : لا لا أنا هو ملتزم السكوت.(بخوف)

القاضي: لا أتكلم لما أسائلك جاوب...أنا اقتنعت بدفاع المزيئ
واتهامك غير صحيح... والسنان شهد فى صفة.. ها
عندك أقوال تانية قبل ما أحجز القضية للحكم؟.

المريض : عندى وأمرى لله..الأمعاء..

(يقاطعه القاضي بصوت عالى شاخط غاضب من التسويف)

القاضي: الدقيقة والأ الغليظة حدد يامتهم ؟

المريض : الغليظة (لنفسه) [الدقيقة ما اعرفلهاش وظيفة]..

الغلظية يا سيادة القاضى هى المسئولة فى نظرى
مبتشتغلشى كما يجب فيتراكم الالف والقرف من
المخلفات وتاخذ وقت طويل عقبال ما تخرجهم أكون
زحمت أنا الدنيا باكل جديد .

القاضي: يعنى دلوقتى مشكلة التصريف عندك مسدودة البلايع
والمواسير فيها مشكلة...

المريض : بالطبط.؟؟

القاضي: يا غليظ يا غليظ. صحية

(الغليظ نائم بجد ويقوم الأمعاء الدقيقة بهزة)

الدقيقة : أصحى يا اا غليظ العقل بينبهدك.

الغليظ : خلاص ، جاهز للاخراج يا ريس ، البلاوى لما بتوصل
بكون جاهز.

القاضي: المريض بيتهمك بالكسل والنوم فى الخط وبتراكم
الفضالات لحد الانتفاخ، مسدودة عندك ويتسد عند
الادوار (الطبقات) العليا وقربت توصل للنفوخ.

الغليظ : يا سيدى مشاكلى تنحصر فى الاسهال والامساك وعلى
غير الشائع عنى أنا مش ضرورى أخرج الزبالة كل
يوم... ولكن عادات المريض الغذائية عرضتني لمشاكل
كثير.. مش أمراض، دى فى أوقات بتيجى ما فيهاش غير

النواشف لا فى خضار أو الياف أو ميه تسهل عملية
الحركة، أوقات كل الأكل ملوث وسوائل ..

القاضي: يعنى انت بتتهم المريض بأيه؟.

الغليظ : ما عندوش وعى ولا عادات غذائية سليمة، حابب الرمرمة
والاكل السوقي،،،، حليت كثيرمن طفاسة اكلة وفاض
عندى من مشاكلة أكوام أكوام.

الدقيقة : دقيقة يا سيادة القاضي، أنا بضم صوتى لصوت الغليظ
ياما مصيت ملوثات صناعية ومية طرشى بالهباب..
داخلى يا سيادة القاضي (جزء يسمى الأمعاء الصائمة)
كل شىء مفيد يمتص هناك والباقى يرحل إلى باقى
أجزائى، فيتم اخذ كل شىء ينفع أو يحتمل ان ينفع
والباقى إلى الغليظ عدل.

الغليظ : وظيفتى امتص المية وأصلب الفضلات بالحركة عبر
القولون وارميها لبره الجسم ، ، جسم المريض وأرجوك
إسأله بيروح الحمام ولا لأ؟.

القاضي: جابوب.

المريض : أيوه ..أيوه بروح مره واحد.. بس فى اليوم .

الغليظ : ظهر الحق أنا مش مطلوب منى أكثر من عدة واحدة.

المريض : إفرض عايز اصرف مرتين فى اليوم؟.

الغليظ : ركب مصارين عمولة بقى ؟.

المريض : شفت يا سيادة القاضى مصارينى مش مطوعانى .

القاضي: لا لا يا مريض أنت بتتلكك قول كلام يتعقل فيه أجهزة سيادية وحساسة مينفعش تشتغل بالأمر وحسب الطلب، الظاهر إن التمرد ده على حق... نسمع المرضة كدة، عن حالتك تحدثنا بما أنها متابعة الحالة من أسبوعين .. يا أنسة الرحمة حالته إيه ؟.

المرضة: أنا ما كنتش عايزة اتكلم، أكل المستشفى مش عاجبه ونازل تدخين شاى وقهوة مش عارفة منين؟.

القاضي: وهل هذا يجوز؟.

المرضة: لا طبعا.. بيروح التراس أو المر ومع تعبته بيسهر بالليل لوش الفجر وهات يا طلبات.

القاضي: و الدوا؟.

المرضة: أنا شعرى بشده من عمايله ومن بلاه، جرس فى كل ساعة وتحكمات الطغاة، إن جيت شلت قالى: حطى يا فتاة، وإن تركت الأكل ساعة اشتكاني مُر الشكوى (فرج عليا أمة لا إله إلا الله)..، حط عينى فى وسط راسى ولا عسكرى انتباه، يرحم أمه استحملت زن السنين طين وعجين وياه.

القاضي: لا حول ولا قوة إلا بالله... كل ده فى أسبوعين ؟

المرضة: ده أنا قلبى معبى تراب.. و لسه ما قفلشى الحساب...
شبت وانا لسه شباب... لا عايزه فلوس ولا عايزه
ثواب... دعائى يا رب الرحمة... يا تشفيه يا تريحنى من
العذاب.

القاضي: خلاص خلاص شهادتك وصلت إحنا عطلناكى كتير
ممکن تنصرفى... (تغادر المسرح)

المريض : استنوا.. أنا مش وحش للدرجة دي.. أنا يمكن وانا عيان
زودتها شوية بس...!؟

المعدة : مش قتللكوا الراجل المريض مش تاعبنا إحنا بس، ده كل
اللى حواليه بيشتكوا...

الأمعاء: يا سيادة القاضي إحنا عندنا حرقان والتهابات بتستمرار
دا غير الزعيط والطيط ولا مزلقان باب الحديد.. ده غير
الريحة اللى بيشمها القريب والبعيد..

(يقاطع)

المريض: دا حيشعر.

القاضي: خلاص يا غليظ الله يقرفك (يمسك أنفه) الكمياوى ده
واجب يستخدموه فى المظاهرات.

الغليظ: دى الريحة بس يا سيدنا أمان لو شفت الباقي.

القاضي: قلت خلاص خلاص أتسد وامسك نفسك.

الدقيقة: مسخرة والله يا مريض كنت عايش إزاي وسط الناس؟.

المريض : عادى جداً الحاجات دي بتطلع عادى ..

المرئى : يا راجل والتكريع برضه عادى (يقلد) بهى بهى.

القاضي: خلاص الفضايح والغسيل الوسخ بزيادة بقي..

المريض : شفت يا حضرة القاضي أنا المجنى عليه والضحية ، أنا المريض التعبان الشقيان (يقاطع).

البلعوم : قصدك التعبان (ينطقها التعبان).

القاضي: ده تجاوز أنا لا يمكن أسمح بيه.

المريض : خلاص خلاص أنت وضميرك يا قاضى أحكم وأنا راضى بحكمك أنا عرفت اللحظة دي الخلل فين ؟.

القاضي: خلاص يا مريض المسئلة واضحة.. والكل أجمع حتى الجمهور إن الأسنان براءة والبلعوم والمرئى والمعدة والأخوة الأمعاء كمان.. واضح إن الغلط عندك أنت.

المريض : الغلطة عندك أنت !؟.

القاضي: ده سؤال اتهام ولا إقرار بالإجابة ؟.

المريض : ده ردى عليك (الغلطة عندك أنت).

القاضي: أنت بتتجاوز حدودك يا مريض.

المريض : لا لأنك العقل والتفكير ومركز القرار والعادات والسلوك
والمرشد ولا أقولك بلاش حكاية المرشد دي لإن اللي
بيفكر ما بيحتجشى مرشد يفكر له.. أنا عليّ المسؤولية
وأقر بأهمالي وإسرافي لكنك أيضا شريكى فى
الخطأ... كل حاجة بتمر عليك علشان تقررها.. متجيش
تحاكمنى دلوقتى أنا مفيبتكشى ولا يوم واحد ولا خدرتك
وأنا باكل واشرب واشتغل وأشيل واحط ..دي مسئولية
شايلنها سوا... أنا أقريت بغلطي فاضل أنت كمان تقر
بغلطك.

القاضي: مش سهل يا مريض ...أنت بتجرنى لصراع الأعضاء ..

المريض : زى ما انت حبيت تجرنى ليه يا سيادة العقل لأنك كنت
هتتحكم عليا وأنت عارف إننا واحد فى جسم واحد أنت
عملت زى اللي أشعل حرب أهلية بين الناس وهتبقى
النهاية المؤكدة هى الموت وخراب الديار...ما ينفعشى
نحارب بعض ونحمل لبعض الأخطاء... لازم فى حل..لازم
فى حل.

(الجميع يشارك فى الغناء)

توقظ النائم كلمة والظمان تنقذه قطرة

سكرة المخدور فكرة والمحزون لحظة عبرة

كل ركن فى العمر حياة وذلك سحره
أن ترى السنوات روحاً
بالاغانى والتهانى والأمانى
و الثمار الخضر يانعات فى العلالى
فانتصف فى الوقت ولا تغالى واستبقى قوة لليوم التالى

(تغلق الستارة)

أحمد محمد جليبي

- مستشار ومُحكّم دولي معتمد.
- نشرت أعماله في العديد من الصحف والمجلات الأدبية، وله دراسات نقدية وأخرى سياسية، ومقالات نشرت في حينها في الأهرام المسائي، روزاليوسف ومجلة نادي القصة والثقافة الجديدة.
- منسق عام جائزة سلوى علوان الثقافية موسم ٢٠١٥، دورة الكاتب الكبير فؤاد قنديل.